






内閣文庫	
番 號	漢 2338
冊 數	57 (1)
函 號	285 29


285-29



綴じ部(喉部分)の文字など開きが不鮮明な箇所あり



新刊東國通鑑序



東方之國載于山經地志者不可得而言焉就中與本朝接隣無近於朝鮮朝鮮多種類在鴻荒之世檀君開其國而自中華入治之者以箕子為祖初有

朝鮮號代箕氏王其地者衛滿也至右渠而朝鮮之域悉入於漢以為郡縣厥後中華號令不及殊域由是種類分為數部其為君長者三所謂三韓是也三韓各改其名馬韓稱百濟辰韓

稱新羅并韓稱高麗當李氏治中華而二韓滅而新羅一之五季之初王氏并吞馬并辰總號曰高麗逮朱氏握太寶而高麗李氏代王氏統三韓復朝鮮之號是其大畧也謹檢國史則

神功皇后征伐以來三韓悉服
從於本朝來貢無闕故置日
本府於彼質其王子于我且池
有韓人寺有百濟郡有高麗况
其豐璋復國乞援渤海尋獲受
制之類為我邦之附庸者昭

昭矣彼國亦世修其國史然其
詳而可見者無若東國通鑑上
自檀君下至王氏之末總計五
十六卷其治亂興廢可一覽而
知焉余少時曾聞此書傳存于
我國而未觸目故癸未之歲問

諸朝鮮朴進士答曰今亡矣蓋
滅於壬辰之亂乎余為之悵然
頃歲水戶三品叅議君偶求得
東國通鑑想夫壬辰之後所載
來之遺編偶存乎君喜得希世
之書然惜其有所闕既而幸僦
得一本而叅校寫補以漸全殆
如符節圭瑁之合而非狗尾續
貂之比可謂大幸也於是概見
其書則粗雖載本朝之事至
調庸貢獻則悉畧之蓋其為國
諱之乎是亦臣子之情不可答

烏該通兩國之史而着眼用捨
則其旨趣可自知烏叅議君謂
朝鮮今猶修來朝之聘非他外
國之屬タクニ今此書廣行于世則有
便於兩國贈酬而不為無補於
學者乎乃命洛之剗刷氏新刊

於松柏堂嗚呼君之求遺書如
再生河間而十倍陳農實是一
時之盛舉千歲之美談也孰想
泰伯至德而基我王點箕子有
仁以開彼土地鈞是先聖之所
稱也共曰東方君子國者不亦

宜乎中華姑舍是六合之內守
網常之道仰文物之化未聞如
本朝及朝鮮者豈非泰伯箕子
之遺風哉若以我國史言之
則韓鄉之島新羅之國亦是素
盞烏尊之所經歷也尊之雄偉

非朴赫朱蒙溫祚可企及則推
為三韓之一祖亦不為誣乎唯
恨彼國未知焉此書今既流于
我國他後傳及朝鮮則在此為
博覽之助在彼為炯誠之鑑者
必矣然則楚珩為輕趙璧可拋

而不贈撒金時繪之器雖無虎
皮鷹子之貢亦何傷哉余愁預
知此事乃依剗氏之乞而演
露於卷首云爾寬文丙午孟秋
弘文學士院林叟叙



進東國通鑑箋

純誠明亮佐理功臣崇政大夫達城君
兼弘文館大提學藝文館大提學知
經筵春秋館成均館事臣徐居正等謹
將新修東國通鑑繕寫粧潢投
進臣居正等誠惶誠恐頓首頓首
上言竊以

與治興與亂亡興亡可鑑於既往不虛
美不隱惡美惡當示於將來歷觀修史
之規咸以編年為本通鑑托始於涑水

袞馬史紀傳之冗長綱目裁揮於晦菴
得麟經衮鉞之奧妙少微因之作節要
劉剡述而著續編雖紀載詳略之殊其
體裁義例則一念我朝鮮有國古稱文
獻之邦檀君並立於唐堯民自濼而俗
自朴箕子受封於周武過者化而存者
神然古籍之無徵豈空言之可載迨四
郡瓜分之後及二府幅裂之餘諸韓蜂
起而寔衰三國鼎峙而割據新羅肇基
東土三易姓而歷年最長麗濟皆出朔

方兩立國而境壤相接然各誇強而詫
天曾不息兵而善隣時于戈之相尋日
疆場之自蹙考隆替有遲速之異論得
失無彼此之分藪國乘之僅存而文理
之或蓋事涉不經而荒恠語多無稽以
繆悠雖再經先儒之校讎猶復襲本史
之踈漏秦封自絕屢祖乃興經營四方
割羣雄而耆定削平二國合三韓以為
家式恢宏遠之模永建創垂之業三十
代錄既傳子而傳孫五百歲期開或洽

而或亂簡策俱在滅否焉逃時遲已窮
於前朝曆數竟歸於

真主

太祖康獻大主握符興運

稽古彌文

法漢祖收秦圖書

體唐宗購隋典籍

命搜勝國之史以備

秘府之藏逮

三宗之相承

宣重光而致治乃設史局仍掌編摩有全
史既蒐剔而包羅有節要復研劑而簡
切更數紀而告訖為一代之成書

世祖惠狂大主德性在躬

聰明冠古

惟精惟一允協舜哲而堯欽

丕顯丕承聿追文謨而武烈

慨我國雖有舊籍無長編可擬前脩方全

櫃之欲紬遠鼎湖之云邈恭惟

主上殿下研窮至理

恢廓先猷

魏乎功煥乎章治道於斯為盛

繼之志述之事制作粲然有文通鑑之成

適當今自臣等俱以謏薄之屬質叨奉

撰述之

綸音才既乏於三長辭何有於一贊思欲

上答於

隆委祇自俯竭其微勞博採羣書哀為臣

帙凡例皆倣於資治大義實法乎春秋

因年代之後先繫時月而序次論其世

考其事雖略加刪潤之勤惡則貶善則

褒恐未合筆削之旨閒竊附濳踰之論

說庶教明往者之是非上下千四百年

前者覆而後者戒彙粹五六十卷義欲

正而辭欲嚴敢塵

高明采增戰懼

置諸左置諸右時

賜乙夜之觀

監有夏監有殷永作千秋之鏡所修東國

通鑑五十七卷謹隨箋以

聞無任激切屏營之至臣居正等誠惶誠恐

稽首謹言

成化二十一年乙巳七月二十六日純
誠明亮佐理功臣崇政大夫達城君兼
弘文館大提學藝文館大提學知
筵春秋館成均館事臣徐居正等 謹
上箋

東國通鑑序

經以載道史以記事經則孔子刪定述
作已垂教於萬世史則馬班以下作者
非一代各有書浩穰難記學者雖窮十
年之力尚不讀遍況今主日有萬幾復
何暇於周覽哉先正司馬公裒集歷代
史旁採羣書撮其機要上起袞周下迄
五季作長編曰資治通鑑誠史家之指
南也紫陽朱夫子因之作綱目文約而
事愈備監戒昭而幾微著深得春秋謹

嚴之旨後有作者舉不外於二家範圍之中矣吾東方自檀君歷箕子以至三韓載籍無徵下逮三國僅有國乘粗略大甚加以無稽不經之說後之作者相繼纂述有全史焉有史略焉有節要焉然復襲本史之疎漏高麗氏統三為一傳世三十三歷年幾五百雖有國史中間記載繁簡頗有不同且未免闕遺之失恭惟

太祖康獻大王應運開國收舊圖籍以為秘

府之藏

三宗相承文治益隆設官開局撰歷史有所謂全史者有所謂節要者史家制作於斯漸備

世祖惠莊大王聖學天縱留神經史嘗謂左右曰吾東方雖有諸史無長編通鑑可擬資治

命詞臣將欲校讎而事竟未施我

主上殿下紹膺大統遙追先猷命達城君

徐居正行護軍臣鄭孝恒參議臣孫比

長行護軍臣李淑城前都事臣金澤校
理臣李承寧司儀臣表沿沫典籍臣崔
溥博士臣柳仁洪暨臣克墩等撰修東
國通鑑以進臣等俱以庸拙才乏三長
恭承

綸命凌兢罔措謹撫三國以下諸史兼採
中國史用編年記事凡例一依資治而
寓以綱目筆削之旨刪繁削冗務存要
領三國並峙則稱三國紀新羅統合則
稱新羅紀高麗則稱高麗記三韓以上

則稱外紀上下千四百年國勢之離合
運祚之脩短君舉之得失政治之汚隆
靡不直書至如重名教崇節義討亂賊
誅奸諛尤加謹嚴庶幾垂勸戒而訓後
世也先儒之有論斷者皆取而書之閒
亦竊附臣等之臆論極知狂僭不足齒
作者之列臣又竊念箕子以九疇之學
敷八條之教當時必有記勳記言之官
備載嘉言善行而今皆泯滅無傳三國
則鄙野荒縲高麗則脫略舛錯雖使借

手於班馬尚難為之詞况如臣等之謏
聞陋識安能仰體

隆委而贊一辭乎姑以管見彙粹纂次編

成五十七卷粧演投

進倘於

宵旰之暇時

賜觀覽鑑前世治亂興亡之跡為今日左

右之箴警益懋稽古之

盛德則其於至治未必無小補云成化乙

巳七月二十六日純誠佐理功臣嘉善

大夫廣原君兼同知義禁府事世子右

副賓客臣李克墩拜手稽首謹序

東國通鑑凡例

一 三國以前史書漫滅無傳雜採諸書作外紀

一 三國勢均力敵不可主一故依綱目無正統例以立國先後分註其年稱其紀曰三國紀新羅統一之後始太書其年稱某國紀每王依資治通鑑例先書某王

一新羅之初其君有稱居西于者尼師今者麻立于者皆王號也崔致遠年代曆

惡其鄙野悉皆稱王今從之

一凡君或名或號或謚妃或稱后世子或稱太子或稱正胤教或稱詔或稱制官爵之伴擬上國皆從實直書

一每年必先書中國年號尊之也新羅嘗行年號僭擬中國故削之

一綱目法春秋筆削之旨寓褒貶以示勸戒陳桎因之作續編綱目至如少微之通鑑節要張光啓之續編節要凡有關於名教國家大體者則略倣綱目之例

先提其綱後叙其實今從之

一三國皆薨年改元權近史略踰年稱元者惡其非禮也然記事頗有抵牾今據實書之

一善德真德真聖陰居尊位非常之變不可以訓後世故黜而稱主

一忠烈忠宣忠肅忠惠父子前後為王忠宣立則稱忠烈為上王忠烈復位則稱忠宣為前王以明父子之義忠肅忠惠倣此

一辛禍依王莽例止書甲子書其年於註
昌立未久附恭讓元年
一災異之驗於事者必書餘皆略之祥瑞
不書而因事乃書
一百濟高句麗之郊祀天地高麗之八關
會遊幸寺院受菩薩戒設道場飯僧時
君常事或書其始或書其尤甚者或以
事而書之外國之來投納款者不可勝
書或書其始至或因事書之

東國通鑑凡例終

東國通鑑外紀

檀君朝鮮

東方初無君長有神人降于檀木下國人立
為君是為檀君國號朝鮮是唐堯戊辰歲也
初都平壤後徙都白岳至商武丁八年乙未
入阿斯達山為神

臣等按古紀云檀君與堯並立於戊辰歷

虞夏至商武丁八年乙未入阿斯達山為
神享壽千四十八年此說可疑今按堯之
立在上元甲子甲辰之歲而檀君之立在

後二十五年戊辰則曰與堯並立者非也
自唐虞至于夏商世漸澆漓人君享國久
長者不過五六十年安有檀君獨壽千四
十年以享一國乎知其說之誣也前輩
以謂其曰千四十年者乃檀氏傳世歷
年之數非檀君之壽也此說有理近世權
近介觀天庭

太祖高皇帝命近賦詩以檀君為題近詩曰
傳世不知幾歷年曾過千

帝覽而可之時論亦以近之言為是姑存之

以備後考

箕子朝鮮

殷太師箕子紂諸父也紂無道比于諫而死
微子去之箕子即被髮佯狂為奴嘗曰商其
淪喪我因為臣僕及周武王伐紂訪道于箕
子箕子為陳洪範九疇武王封于朝鮮都平
壤教其民以禮義田蠶織作為民設禁八條
相殺以當時償殺相傷以穀償相盜者男沒
入為其家奴女為婢欲自贖者人五十萬雖
免為民俗猶羞之嫁娶無所售是以其民終

不相盜無門戶之閉婦人貞信不淫辟其田
野都邑飲食以籩豆有仁賢之化其後孫朝
鮮侯見周衰而燕稱王將東略地亦自稱王
欲興兵伐燕以尊周大夫禮諫之而止使禮
西說燕燕亦止不攻後子孫稱驕虐燕乃遣
將攻其西取地二千餘里至滿潘汗為界朝
鮮遂弱及秦并天下築長城抵遼東四代
孫否立畏秦遂服屬於秦否死其子準立二
十餘年而陳項起天下亂燕齊趙民愁苦稱
稱亡歸準及盧綰為燕王準與燕以涇水為

界及綰反入匈奴燕人衛滿亡命聚黨千餘
人魁結蠻夷服而東渡涇水末居西界為藩
屏準信之拜為博士賜以圭封之百里令守
西鄙滿誘亡黨稍衆乃遣人詐告準漢兵十
道至欲入宿衛遂襲準準戰不敵浮海南奔
臣等按范曄曰箕子違表殷之運避地朝
鮮施八條之約使久知禁邑無滯盜門不
夜扃柔謹為風道義存焉省簡教條而用
信義其得聖賢作法之原矣涵虛子亦曰
箕子率中國五千人入朝鮮其詩書禮樂

醫巫陰陽卜筮之流百工技藝皆從而往
焉既至朝鮮言語不通譯而知之教以詩
書使其知中國禮樂之制父子君親之道
五常之禮教以八條崇信義篤儒術釀成
中國之風教以勿尚兵闢以德服強暴隣
國皆慕其義而相親之衣冠制度悉同乎
中國故曰詩書禮樂之邦仁義之國也而
箕子始之豈不信哉

衛滿朝鮮

衛滿既逐箕準據王儉城會孝惠高后時天

下初定遼東太守約滿為外臣保塞外諸國
無使寇邊諸國欲入朝勿禁以故滿得以兵
威財物侵降其旁小邑其蕃臨屯皆來服屬
方數千里傳子至孫右渠所誘漢亡人滋多
又未嘗入覲辰國欲入朝天子又壅關不通
武帝使涉何譙諭右渠終不肯奉詔襲殺何
元封三年帝遣樓舡將軍楊僕從齊浮渤海
左將軍荀彘出遼東討之右渠數兵拒之兩
將圍城戰不利朝鮮大臣陰使人約降樓舡
以間之左將軍急擊樓舡欲就約不戰左將

軍意樓舡及以故不相能帝以兵久不決遣
濟南太守公孫遂往征之得以便宜從事遂
至左將軍告遂執樓舡并其軍急擊之朝鮮
相路人相韓陰尼谿相參將軍王啖相與謀
殺右渠降漢遂定朝鮮為四郡封參為瀋清
侯陰為荻首侯啖為平州侯路人之子最為
涅陽侯

四郡

漢武帝元封三年討右渠遂定朝鮮故地為
樂浪臨屯玄菟真蕃四郡樂浪郡治朝鮮縣

蓋以右渠所都為治所也臨屯郡治東曉縣
玄菟郡治沃沮城後為夷貊所侵徙郡勾麗
西北真蕃郡治雲縣郡初取吏於遼東吏見
民無閉藏及賈人往者夜則為盜俗稍益薄
犯禁浸多至六十餘條仁賢之化變矣

二府

漢昭帝始元五年以朝鮮舊地平那玄菟等
郡為平州都督府臨屯樂浪等郡為東府都
督府

三韓

馬韓

箕準既為衛滿所攻奪率其左右宮人走入海居韓地金馬郡自號韓王其民土著種植知蠶桑作綿布各有長師大者自名為臣智其次為邑借散有山海間無城郭有爰襄國牟水國桑外國小右索國大右索國優休牟涿國臣濟沽國伯濟國速盧不斯國日華國古誕者國古離國怒藍國月支國咨離牟盧國素謂乾國古爰國草盧國卑離國占離卑國臣釁國支侵國狗盧國卑彌國監奚卑離

國古蒲國致利鞠國井路國兒林國駟盧國內卑離國感奚國萬盧國辟卑離國舊斯烏且國一離國不離國友半國狗素國捷盧國牟盧卑離國臣蘇塗國古臘國臨素半國臣雲新國如來卑離國楚山塗卑離國一離國狗奚國不雲國不斯濟邪國爰池國乾馬國楚離國凡五十餘國大國萬餘家小國數千家揔十餘萬戶俗少綱紀居處作草屋土室其戶向上俗不重金銀錦罽而貴瓔珠用以飾髮垂耳其男子衣帛袍履草躡性勇悍謹

呼力作善用弓楛矛櫓

辰韓

弁韓

辰韓在馬韓之東自言秦之亡人避役入韓韓割東界以與之立城柵言語有類秦人或謂之秦韓常用馬韓人作主雖世世相承而不得自立明其沅移之人常制於馬韓地宜五穀俗饒蠶桑善作織布乘駕牛馬嫁媵禮俗男女有別行者相逢皆住讓路又有弁韓不知其始祖屬於辰韓辰弁二國各統十二國又有諸小別邑各有渠帥大者名臣智其

次有險側次有樊滅次有殺奚次有邑借有已抵國不斯國弁辰彌離彌凍國弁辰接塗國勤耆國難彌離彌凍國弁辰古資彌凍國弁辰古淳是國弁奚國弁辰半路國弁樂奴國軍彌國弁軍彌國弁辰彌烏邪馬國如湛國弁辰甘路國戶路國州鮮國馬延國弁辰狗邪國弁辰走漕馬國弁辰安邪國弁辰瀆盧國斯盧國優中國合二十四國大國四五千家小國六七百家物四五萬戶權近曰三韓之說互有不同然朝鮮王準

避衛滿之亂浮海而南開國號馬韓至百濟温祚立遂并之今之益州有古城至今人稱為箕準城則馬韓之為百濟無疑矣辰韓新羅始祖赫居世所起之地新唐書曰下韓在樂浪之地又曰平壤古漢之樂浪郡則辰漢之為新羅下韓之為高句麗亦無可疑後漢書以為下韓在南辰韓在東馬韓在西其謂下韓在南者蓋自漢界遼東之地而云耳非謂下韓在辰馬二韓之南也崔致遠因謂馬韓麗也下韓百濟

也誤矣

臣等按三韓所統七十餘國之名見於陳壽三國志者如此必非鑿空造語而東史不傳今不得考其所

東國通鑑目錄

卷第一

新羅

始祖赫居世

南解王

儒理王

高句麗

始祖東明王

瑠璃王

大武神王

百濟

始祖温祚王

多婁王

卷第二

新羅

儒理王

婆娑王

逸聖王

高勾麗

大武神王

慕本王

次大王

百濟

脫解王

祗摩王

阿達羅王

閔中王

太祖王

新大王

卷第三

新羅

多婁王

盖婁王

伐休王

助賁王

味鄒王

基臨王

高勾麗

故國川王

已婁王

肖古王

柰解王

沾解王

儒禮王

訖解王

山上王

東川王

西川王

羨川王

百濟

肖古王

沙伴王

責稽王

比流王

卷第四

新羅

中川王

烽上王

故國原王

仇首王

古爾王

分西王

訖解王

實聖王

慈悲王

高勾麗

故國原王

故國壤王

長壽王

百濟

契王

近仇首王

柰勿王

訥祗王

照智王

小獸林王

廣開土王

近肖古王

枕流王

東鑑目錄

辰斯王
腆支王
毗有王
文周王
東城王

阿莘王
久爾辛王
盖鹵王
三斤王

卷第五

新羅

炤知王
法興王
真智王

智證王
真興王
真平王

高句麗

文咨王
安原王
平原王

安藏王
陽原王
嬰陽王

百濟

東城王
聖王
惠王
武王

武寧王
威德王
法王

卷第六

東鑑目錄

新羅

真平王

高句麗

嬰陽王

寶藏王

百濟

武王

卷第七

新羅

善德女主

善德女主

榮留王

義慈王

真德女主

太宗王

高句麗

寶藏王

百濟

義慈王

卷第八

新羅

太宗王

高句麗

寶藏王

武文王

東鑑目錄

東鑑目錄

卷第九

新羅

文武王

神文王

卷第十

新羅

孝昭王

聖德王

孝成王

景德王

惠恭王

宣德王

元聖王

昭聖王

哀莊王

憲德王

卷第十一

新羅

興德王

僖康王

神武王

文聖王

憲安王

景文王

憲康王

定康王

真聖女主

附甄萱

弓裔

神德王

孝恭王

卷第十二

東鑑目錄

五

新羅

景明王

敬順王

附甄萱

景哀王

卷第十三

高麗

太祖

定宗

景宗

惠宗
光宗

卷第十四

高麗

成宗

卷第十五

高麗

穆宗

顯宗

卷第十六

高麗

顯宗

德宗

卷第十七

高麗

靖宗

文宗

卷第十八

高麗

宣宗

肅宗

卷第十九

高麗

肅宗

卷第二十

高麗

順宗

獻宗

睿宗

睿宗

卷第二十一

高麗

仁宗

卷第二十二

高麗

仁宗

卷第二十三

高麗

仁宗

職銜目錄

七

卷第二十四

高麗

毅宗

卷第二十五

高麗

毅宗

卷第二十六

高麗

明宗

卷第二十七

高麗

明宗

卷第二十八

高麗

明宗

卷第二十九

高麗

神宗

康宗

卷第三十

熙宗

高麗

高宗

卷第三十一

高麗

高宗

卷第三十二

高麗

高宗

卷第三十三

高麗

高宗

卷第三十四

高麗

元宗

卷第三十五

高麗

元宗

卷第三十六

高麗

元宗

卷第三十七

高麗

忠烈王

卷第三十八

高麗

忠烈王

卷第三十九

高麗

忠烈王

卷第四十

高麗

忠烈王

卷第四十一

高麗

忠烈王

卷第四十二

高麗

忠宣王

卷第四十三

高麗

附忠宣王

忠肅王

忠肅王

卷第四十四

高麗

忠惠王

忠惠王復位

卷第四十五

高麗

忠惠王

忠定王

卷第四十六

忠肅王復位

忠穆王

高麗

恭愍王

卷第四十七

高麗

恭愍王

卷第四十八

高麗

恭愍王

卷第四十九

高麗

恭愍王

卷第五十

辛禡

卷第五十一

辛禡

卷第五十二

辛禡

卷第五十三

辛禡

卷第五十四

高麗

恭讓王

卷第五十五

高麗



恭讓王

卷第五十六

高麗

恭讓王

東國通鑑目錄終



東國通鑑

十三

